

Fra: "Odden, Alf" <alf.odden@statsforvalteren.no>
Sendt: mandag 13. mai 2024 09.51.46
Til: "Børresen, Trond Erik (TrondErik.Borresen@lyse.no)"
<TrondErik.Borresen@lyse.no>
Kopi: "NVE Postmottak" <nve@nve.no>; "Jakob Fjellanger" <jfj@nve.no>; "Jonny Liland, Sirdal kommune" <jonny.liland@sirdal.kommune.no>
Emne: Krav om tilleggsdokumentasjon Røldal-Suldal

Lyse Kraft DA

Krav om tilleggsdokumentasjon til søknad om dispensasjon fra verneføreskrifter for opprusting og utviding av Røldal-Suldal kraftverka

Viser til søknad om dispensasjon fra verneføreskriftene, dagsett 26.04.2024 og konsesjonssøknad for opprusting og utviding av Røldal-Suldal kraftverk med vedlegg, dagsett 21.12.2023.

Verneområdestyret for Setesdal Vesthei, Ryfylkeheiiane og Frafjordheiiane (SVR) har forvaltningsmynde for Kvanndalen landskapsvernombord, Holmavassåno biotopvernombord og Setesdal Vesthei-Ryfylkeheiiane landskapsvernombord.

Om verneområdestyret har fått tilgang på god nok dokumentasjon til å gjennomføre ei forsvarleg sakshandsaming, tek verneområde sikte på å handsame dispensasjonssøknaden i styremøte 23.10.2024.

Etter verneområdestyrets vurdering manglar dispensasjonssøknaden god nok dokumentasjon for to svært viktige tema. Dette gjeld utgreiing av villreinens nåverande bruk av isen på Holmavatnet som trekkveg, og utgreiing av utbyggingsalternativ som ligg utanfor verneområda.

I Lov om forvaltning av naturens mangfold (naturmangfaldslova) sin §48, fjerde ledd, første punktum, går det fram at «Søknad om dispensasjon etter første ledd skal inneholde nødvendig dokumentasjon om tiltakets virkning på verneverdiene». I Naturmangfaldlovas kommentarutgåve (Backer 2010: 418) går det og fram at kravet til dokumentasjon av verknadar vil bero på tiltakets art, omfang og lokalisering, og må i noko grad tilpassast søkeres forutsetningar. På bakgrunn av at det søker om tiltak i tre verneområde, villreinens status på norsk raudliste, den store samla belastninga på villreinområde frå eksisterande kraftutbygging og Lyse Kraft som ei stor og seriøs aktør, vil det være gode grunner for å stille særleg høge krav til dokumentasjonen i søknaden.

På same stad i kommetarutgåva går det med referanse til Sivilombudsmannen 2006: 262, og fram at: «*Et sentralt spørsmål er om behovet for dispensasjon kan i møtekommes med et alternativ utenfor verneområdet. Det er særlig aktuelt dersom en dispensasjonssøknad er motivert med sikkerhetshensyn eller vesentlige samfunnsmessige interesser. I slike tilfelle må dispensasjonssøknaden redgjøre for alternativer utenfor verneområdet, og i den videre saksforberedelsen må det vurderes om et slik alternativ er realistisk.*» Dispensasjonssøknaden frå Lyse Kraft er i stor grad motivert med «samfunnsmessige interesser», men inneheld likevel ingenting om moglege utbyggingsalternativ. Konsesjonssøknaden inneheld 10 linjer om utbyggingsalternativet «Sandvatnet kraftverk og Kvanndal 2B pumpekraftverk» som truleg er eit realistisk alternativ til tiltaka det er søkt om. Beskrivinga av dette alternativet er overfladisk og mangefull samtidig som alternativet medfører relativt omfattande inngrep i verneområdet. Verneområdestyret meiner derfor at Lyse Kraft sine søknadar ikkje oppfyllar krav om utgreiing av alternativ utanfor verneområde.

Tilleggsdokumentasjon om villreinens nåverande og faktiske bruk av isen på Holmavatnet og vandringshindra Holmavassåno og Tverrå

For det verna arealet er villreinens områdebruk særleg knytt til vinterhalvåret da områda ved Holmavatnet utgjer eit svært viktig vinterbeiteområde. I konsekvensvurderingsrapporten for tema villrein er det særleg tre tema som blir løfta fram for det verna arealet om vinteren.

- Den vinteropne Holmavassåno som vandringshinder (Delområde Holmavassåno biotopvernombord)
- Isen på Holmavatnet som trekkveg mellom ulike delar av vinterbeiteområde (Delområde Holmavassåno biotopvernombord)
- Den delvis vinteropne Tverrå som vandringshinder (strekninga Djupetjørn-Litlavatnet) (Delområde Kvanndalen landskapsvernombord)

Når det gjeld utbyggingsplanane det er søkt om blir påverkinga for Tverrå og Holmavassåno sett til «*forbedret*» på grunn av opphøyr av vintertapping, og bidreg såleis til at konsekvensane for delområda Kvanndalen landskapsvernombord og Holmavassåno biotopvernombord blir sett til «*noe positiv konsekvens*». Isen på Holmavatnet blir omtala under Holmavassåno biotopvernombord. Her blir det peika på at eit pumpekraftverk vil medføre meir oppsprukken is og overvatn og at dette kan bidra til å redusere villreinens moglegheiter til å trekke over isen, men utan at dette ser ut til å ha verka inn på vurderinga av påverkinga av delområdet.

Den største svakheita med desse vurderingane er at dei ikkje tek utgangspunkt i ei talfesting av villreinens nåverande og faktiske bruk av dei tre trekkvegane Tverrå, Holmavassåno og isen på Holmavatnet. Om ei vurdering av konsekvensane skal kunne brukast i verneområdestyret si sakshandsaming må det ligge føre dokumentasjon av kva som er dagens bruk av dei tre trekkvegane i vinterhalvåret. Fagrapporten innehold gode kvalitative vurderingar av innverknaden av tiltaka det er søkt om, men utan dokumentasjon av absolutte og relative betydninga av dei tre trekkvegane, har dei kvalitative vurderingane avgrensa verdi. Det må og påpeikast at ei slik talgrunnlag er lett tilgjengeleg gjennom allereie innsamla GPS-data for perioden 2006-2024. At konsulentelskapet bak konsekvensutgreiinga allereie har tilgang til dette datasettet går og fram av fagrapportens vurdering av trekkvegane Holmavassåno og Tverrå på s. 52 og s. 57. Berre på grunnlag av heilt enkle registreringar basert på tilgjengelege GPS-data frå den opne innsynsløysinga www.dyreposisjoner.no, kan ein slå fast at Tverrå er ein marginal trekkveg, Holmavassåno er eit vandringshinder av ein relativt avgrensa betydning, mens isen på Holmavatnet har ein omfattande bruk. Det skulle derfor være lite tvil om at ei grundig talfesting av villreinens bruk av dei omtala trekkvegane, basert på eit fullt datasett, utgjer ein relevant og nødvendig del av verneområdestyret sitt kunnskapsgrunnlag for handsaminga av dispensasjonssøknaden.

Verneområdestyret ber om tilleggsdokumentasjon på desse punkta:

- Tal på kryssingar og avbrotne kryssingar av Tverrå mellom Djuptjørn og Litlavatnet for tidsrommet 1. desember-31. mai for perioden 2006-2024
- Tal på kryssingar og avbrotne kryssingar av Holmavassåno mellom Holmavatnet og Sandvatnet for tidsrommet 1. desember-31. mai for perioden 2006-2024

- Tal på kryssingar av isen av Holmavatnet for tidsrommet 1. desember-31. mai for perioden 2006-2024. I registreringane bør det skiljast mellom reine trekk over isen og beitetrekk ut til holmane i vatnet
- Ei ny vurdering av påverknad og konsekvensvurdering for delområdet Holmavassåno biotopvernområde basert på det nye talgrunnlaget

Tilleggsdokumentasjon om utbyggingsalternativ utanfor verneområde

Dispensasjonssøknaden innehold som nemnt ikkje ei utgreiing av utbyggingsalternativ utanfor verneområdet, men konsesjonssøknaden har med ei svært overflatisk beskriving av tre slike alternativ. Av omtalen i konsesjonssøknaden går det fram at alternativet «*Sandvatnet kraftverk og Kvanndal 2B pumpekraftverk*» er teknisk gjennomførbart, men at det er lagt bort på grunn av svakare lønnsemid og større miljøkonsekvensar enn alternativet det er søkt om. Verneområdestyret er ikkje utan vidare einig i at dette alternativet har større miljøkonsekvensar enn alternativet det er søkt om. Eit utbyggingsalternativ som ikkje berørar Holmavatnet ytterlegare vil truleg være den beste løysinga for villreinen i område. Teknisk gjennomføring og miljøkonsekvensane av alternativet «*Sandvatnet kraftverk og Kvanndal 2B pumpekraftverk*» må derfor beskrivast grundig i eit tillegg til dispensasjonssøknaden. For å oppfylle kravet om utgreiing av utbyggingsalternativ utanfor verneområdet må og eit alternativ med Kvanndal 2B pumpekraftverk utan Sandvatnet kraftverk beskrivast i detalj. Dette er eit utbyggingsalternativ som har avgrensa innverknad på det verna arealet og er derfor alternativet som primært skal vurderast opp mot alternativet det er søkt om. Miljøkonsekvensar og teknisk gjennomføring av dette alternativet må derfor beskrivast svært grundig.

Verneområdestyret ber om tilleggsdokumentasjon på desse punkta:

- Svært grundig beskriving av eit utbyggingsalternativ der pumping skjer til Sandvatnet i staden for Holmavatnet, og kor fallet mellom Holmavatnet og Sandvatnet ikkje utnyttast i eit eige kraftverk
- Beskriving av utbyggingsalternativet «*Sandvatnet kraftverk og Kvanndal 2B pumpekraftverk*»

Om verneområdestyret skal kunne oppretthalde sin plan om å handsame dispensasjonssøknaden i styremøte 23. oktober, må komplett tilleggsdokumentasjon være sendt oss innan 1. oktober 2024.

Med venleg helsing
Alf Odden
verneområdeforvaltar



Verneområdestyret
Setesdal Vesthei,
Ryfylkeheiane og
Frafjordheiane

Telefon: 48044583

E-post: alf.odden@statsforvalteren.no

Nettside: www.svr.no

Besøksadresse: Sandsvegen 122, 4230 Sand